

Bihaenx seizhah, 10 bi gaiq ndeu aenbeiz doxdax youq gwnz bya Fuzdingj hainduj lo. Gyoengq beiz daij gak dieg daeuj cungj vid gen vid ga dwk, faenfaen daeuj humx saicangz, yaek yienh gij bonjsaeh swhgeij.

Bingzveij senhbu doxdax gvei-hcwz: Aen beiz lawz youq 3 aen cung-daeuz ndawde ndaej hawj bouxvunz naengh youq gwnz daengq saicangz cungqgyang haenx cwxcaih, de couh ndaej hingz.

Boux hwnjciengz daih’it dwg beizsei miz gujdenj swzcaij. Cij raen de menhmenh byaij daeuj, coh gyoengq bouxyawj hengzlaex, caiq youq baihnaj bouxvunz naengh menhmenh vad hwnjdaej. Seizhah mbwn hwngh, najbyak fajnaj bouxvunz cungj ok hanh lo, beizsei haenqrengz bae vad, lumj aen gyangq baenq nei heux bouxvunz haenx baenq, caengz daengz 3 aen cungdaeuz, beizsei baegfofo dwk naeuz: “Gou saw lo, gvaq 10 bi le gou caiq daeuj doxdax.” Gangj sat couh deuz lo.

Beizdiet gunghcuj lumj duz roeg iq nei mbin daengz gyangmbwn, ndawsim gag ngeix, bihaenx gou hoenx baih byafeiz, baujhu Dangzswngh saefouh caeuq lwgsae de byaij gvaq goengq bya haenx, feiz lawz cungj deng mied bae, ngoenzneix itdingh hawj sou caiq yawj gij bonjsaeh gou. Gangj sat daij goekrwz mbon ok aen doxgaiq iq ndeu okdaeuj, menh nam: “hung, hung, hung”. Aen doxgaiq haenx sikhaek daij gyang fwngz iet coh gyangmbwn, baez vad, doq ci hwnj rumzhaenq, lienz vunz caeuq daengq, bongj daengz bak leix lai gyae bae. “Ha! Ha! Ha!” Beizdiet gunghcuj riu cam: “Baenzlawz?” Gyoengq bingzveij rongx naeuz: “Mwngz baez vad, hawj

·cienlanz sawcuenh·

Gyoengq Beiz Doxdax

扇子的比赛

□ Siz Bungzcwngz / 石鹏程

vunz yaek dai, mbouj gaemh mwngz cixbah, mwngz lij mbouj deuz vaiq di!” Beizdiet dingq le hanh gyoet cungj conh okdaeuj, fandingqdaeuj buet deuz lo.

“Sou mbouj miz maz bonjsaeh, hix gamj daeuj ceng ak.” Swnh gij singyaem baez yawj, yenzlaiz dwg Beizceij gunghswj gangj vah. Hoeng cij raen de mbauqndei dangqmaz, gaiqbeiz lij caengz daengz, heiqhom biu daeuj gonq. Gyoengq bingzveij gangj baezneix mingz daih’it itdingh dwg beizceij lo. Beizceij “ba” sing ndeu baez hai, yaep ndeu couh hawj bouxvunz naengh vad ndaej geijcib baez lo. De cam: “Bouxlaux, Cwxcaih lwi?” Bouxvunz naeuz: “W, dangh-naeuz mwngz genhciz ndaej 3 aen cungdaeuz couh engq ndei lo. “Gijmaz? 3 aen cungdaeuz?” Yenzlaiz beizceij mbouj rox gij gvei-hcwz doxdax, raen gyoengq beiz youq gizneix cij menhmenh gvaqdaeuj yawjyawj. “Dwg ha, neix dwg gvei-hcwz baez doxdax neix, mwngz mbouj rox?” Bouxvunz cam. “Gaxgonq mbouj rox, mwngz gangj liux cij rox. Gou caenhrengz ba!” Caengz daengz 2 aen cungdaeuz, beizceij gaenq vaihvedved, cij lw geij diuz ndokbeiz lo. “Dingz, danghnaeuz caiq genhciz

roengzbae lauheiq couh oksaeh lo, beizceij gunghswj, mwngz baema yw sieng gonq ba!” Miz boux bingzveij ndeu heuh beizceij daengx roengz-daeuj. Beizceij gunghswj roengzdaiz, gyoengq bingzveij cungj hojsik dangq-maz.

Lingh boux senjsouj, beizdiuq haeujdaiz lo.

Beizdiuq laemzseiz youq gwnz gyaeuj bouxvunz dap aen gyaq ndeu, au dietding ding maenh le couh “yi yi yaya” ciengq go baenq hwnjdaej lo. “Bouxlaux, gamjdaengz ndei lwi? Gou mbouj baengh goengrengz couh rox gag baenq, baenq yaek 3 aen cung-daeuz hix mbouj baeg.” Beizdiuq daekeiq dwk naeuz. Bouxvunz haenh naeuz: “Ndei! Ndei!” Lwgda gyoengq bingzveij baez rongh lo, cingq cinjbi dwk faen seiz, fwt yiengj “danghlangh” sing hung ndeu, beizdiuq daij aen gyaq doek roengzdaeuj, dub deng aen gyaeuj bouxvunz, ringx youq gwnz dieg. De ienqhoij dwk naeuz: “Gou cinjbi ndaej mbouj ndei ha!” Gyoengq bingzveij naeuz: “Yenznaeuz mwngz itcig vad rumz hawj vunz gamjdaengz liengz-yauj, hoeng doeklaeng doek roengz-daeuj hawj gyaeuj vunz in, mbouj baenz, mbouj baenz.” Beizdiuq cijndei

siengsim dwk lizbae lo.

Beizgunghdiuz hix daeuj lo. Geij bi daeuj, baez daengz seizhah gyoengqvunz cungj cawx de dauq ranz, rumz daij ndawde ci okdaeuj gig yiengjsouh. Aenvih dwg youq baihrog doxdax, mbouj dwg youq ndaw rug, beizgunghdiuz fazveih mbouj ok suijsingz, doeklaeng gamz raemxda lizhai lo.

Doeklaeng hwnjdaiz dwg beiz-daizsiz.

Nyaenx aen anniu, de couh baenq hwnjdaej lo, yaep he, rumz liengzsis, bouxvunz lumj doek haeuj mbawraeu seizcou ndawde bae, gij aeng caeuq raemxhanh nyaihсанq caez, gwnz ndang cij lw gij sangj, caen dwg raixcaix!

Gyoengq bouxyawj gamjdaengz bouxvunz naengh youq ndaw canz cungqgyang gig habhoz, couh hemq hwnjdaej: “Dou senj de! Dou senj de! Dou senj de!”

Doeklaeng Bingzveij dwk faen liux, bouxcujciz senhbu gaiq aenbeiz doxdax neix dwg beizdaizsiz ndaej daeuzmingz!

Hoeng beizdaizsiz mbouj nyienh hwnjdaiz bae lingx ciengj, de naeuz: “Conq miz gij raez, cik miz gij dinj, gak cungj beiz cungj miz gijsdei swhgeij, danghnaeuz vuenh gij dieg wnq doxdax, aiq daih’it mingz couh mbouj dwg gou ndaej lo. Caezgya cungj okrengz hawj bouxvunz daiq daeuj rumz sangj, daiq daeuj fuengbienh, yienghneix yawj hwnj-daeuj, mbouj miz sawhingz, mbouj lwnh ndeiyaetz!”

Gyoengqvunz doxcim myoeg-myoeg, riengzlaeng siengj doeng liux doq bek fwngz, gij sing goksadsad, haujlai nanz cungj mbouj dingz.

sanjvwdz

Siengj Lumz Mwngz Hoj Yaek Dai

想要忘记你很难

□ Mungz Ningz / 蒙宁

Dingjlingz roxnaj mwngz, siengj lumz mwngz hoj yaek dai. Youh dwg haemh laepngaungau ndeu, gou gag naengh youq naj doucueng, dinghdingh dwk siengj mwngz, yaek rox mwngz cingq guh maz? Yaek rox mwngz siengj mbouj siengj gou? Yaek rox mwngz cingq cimyawj gizgyae seiz, aen lwgda mwngz dwg mbouj dwg lij miz aen ngauez gou? Yaek rox moix hwnz mwngz byaij coh aen loq diemzsugsug seiz, dwg mbouj dwg rox gou youq ndaw loq caj mwngz?

Caen dwg siengj mwngz lai lo, gig gyaez dinghdingh naengh youq gizneix siengj mwngz, siengj caeuq mwngz gangj gij goj gaxgonq. Gou cei q gyaez yawj aen lwgda mwngz, de couh lumj ndit, ronghsaksak dak daengz ndawsim gou. Mbouj rox mwngz dwg mbouj dwg roxnyinh gij siengjniemh gou, hoeng gou nyienh yienghneix dinghdingh dwk niemh mwngz.

Caen dwg siengj mwngz yaek dai, siengj mwngz siengj ndaej sim gou in

bae. Bouxvunz mbouj cimz gij feih siengjniemh gvaq, couh mbouj rox cungj inhoj neix, fouzfap rox gij hoj gou. Siengjniemh in lai, caenhguenj gou rox yienghneix dinghdingh siengj mwngz, gwnzmbwn hix fouzfap dawz faenh siengjniemh gou cienz bae hawj mwngz.

Hoeng gou saenq, mboujlwnh baenzlawz gyae’gyanggyang, mwngz itdingh ndaej dingqnyi gij sing ndawsim gou. Danghnaeuz miz gihvei, gou nyienh bienqbaenz benq fwjhau gyangmbwn, mbin gvaq cien bya fanh raemx, dingz youq gwnz gyaeuj mwngz, caensaed dwk bae gamjsouh gij swnghhoz mwngz, vih mwngz cw gij ndit ndatrad roxnaeuz gij faenx yaegyad.

Mboujgvaq, gou mbouj rox nyaux gij caemcingx mwngz, gou cij rox youq gizneix caemrwd dwk niemh mwngz. Couhsuenq gij siengjniemh neix dwg aen loek ndeu, gou hix mbouj haeujsim, couh lumj aen loq gyae-g



Raemxdiuqdat Byacwx.

yang, ciuhvunz hix cungj byaij mbouj daengz、gaemh mbouj ndaej, hoeng dangj mbouj ndaej gou itcig bae gyaep.

Youq ndaw ndwenngoengz mbouj miz mwngz, gou ndaej goq swhgeij ndei, siengj mwngz seiz gou mbouj rox daej. Geijlai siengj yien faj fwngz mwngz, youq ndaw faj fwngz mwngz gaek aen saw “gyaez” ndeu, gaek

haeuj gij siengjniemh gou. Geijlai siengj lumh aen lwgda mwngz, dawz mwngz haeuj ndaw sim gou bae yawj. Gou rox, gou mbouj ndaej maqmuengh baenzlai, gou cij maqmuengh gou itcig ndaej yienghneix dinghdingh dwk siengj mwngz, daengz laux hix mbouj lumz mwngz……